

四庫全書

集部

欽定四庫全書

文苑英華卷九百四十三 宋 李昉等 編

職官五

李刑部澥墓誌一首 裴少尹濟墓誌一首

裴監察墓誌一首 穆祕監玄堂誌一首

刑部郎中李府君墓誌 穆 員

有唐趙郡李府君春秋四十三歷官十有二政以尚書
郎柱下史分王命于江淮上元元年秋八月十三日遘

疾終揚州官舍之次夫人范陽盧氏先府君三年而少
六歲至德二年九月乙亥捐於吳興郡長史之館屬以
國難家窶靡遑還葬乃各於次而卜宅焉然其引也蓋
殯貞元三年嗣子騰世先人之文行仕殿中侍御史惟
周公合祔之事得請于龜冬十有一月奉府君夫人之
喪至自吳楚粵明月五日遷窆于某原禮也府君諱澣
字堅永京源宗派冠蓋功伐史氏志其大家牒詳其細
曾祖行敷皇朝曹州離狐縣主簿祖懷一左千牛并州

晉陽縣尉父雍問虢州湖城縣令代有令聞而無違德
府君生而博厚長而敏達超特簡屬中和直清著書屬
詞居處執事非中道不蹈非聖言不聞天寶中擢進士
調太子校書當時海內無事縉紳之徒以能賦為賢及
門為貴其望登朝也如天之不可階而升而言語侍從
主文典憲之列充其選者必第一流府君以通書舍人
轉左補闕監察御史玄宗季年逆帥兆亂亂成於寵上
莫得聞府君奉使朔陞復而露奏其後以直道不可得

而親踈為誅其不附已者所中配流盧溪郡至德歲起
家宰江陰歷佐晉陵吳興丹陽三郡或叅將府張公鎬
軍事其佐郡也庶使輒移真守以避府君大率以古良
二千石之理為之其佐戎也王師賴焉明年克復二京
博求多士徵拜金部員外郎稍遷刑部郎中言達於上
而惠及於下者非一上元中帝念宗室大臣揔東南節
制時危任重咨忠賢以貳之詔加府君御史賜銀印朱
紱輟為其介府君方勤王侯伯之事啓其所奉道之將

行也未如命何夫人皇朝刑部郎中瀛汝二州刺史弘
懌之孫吏部員外郎汝州刺史僕之子年若干歸于我
孝友禮樂得之性命越自齟齬聞於家人率是道也移
於夫族而夫族之長幼內外受其厚者報亦如之惟府
君才中公卿而位止下大夫爵宜難老而年夭強仕夫
人憑善之積作賢之合天與之偶命與之違命也雙劍
相從萬里同穴始者鳳凰之兆豈吉凶類乎員辱命長
僚託誌卒葬而已銘曰

仁壽才貴天之所大如何李公不卿不艾婉婉內子福
孤具美德豐椒蘭年天桃李似續惟賢永懷奉先成週
還葬於萬斯年

河南少尹裴公墓誌銘

前人

唐貞元八年冬十月二十有八日前河南少尹裴公諱
濟字莊時春秋五十卒于京師靖安里之旅舍明年夏
四月朔葬于絳州聞喜縣之故原從先公居禮也高祖
懷節皇朝洛州刺史生太府少卿昭昭生蔡州刺史剛

剛生扶風郡雍縣令據公則雍縣府君之長子也生而
穎秀長而博辯質如瓊枝文如春林尤長記誦之學酷
重許與之契耳目一歷輒在心口意氣相合坐遺形骸
天寶末學優藝全方登俊造之貢俄屬國難家疫嶮崎
險難以喪往事居之孝稱於所至服闕襄陽節度使來
琪表襄州叅軍事屬有勢勝而理負與人爭官者州府
畏之公時攝功曹掾守文與直不為之撓琪嘉其所執
升之賓介有疑焉一作輒以咨之他日琪自相位獲譴

為

輒以咨之他日琪自相位獲譴

已而伏誅凡百門吏逃難解散公與陳郡殷亮始冒危
於保衛終毀家於葬喪君子難之故司徒李公勉聆公
之節辟以為屬自江西入尹京兆洎節制廣滑汴三府
以公明可折獄利可撥繁權可贍給清可澄察而武可
臨戎官歷金吾掾萬年尉三御史二尚書郎以至于御
史中丞職更推官洎支度觀察二判官以至於行軍司
馬公之奉李公也若體從心李公之任公也若素受彩
李公制用公為利器李公翱翔公為羽翼厥後李公罷

鎮遷河南少尹孜孜勵精貳前後之政與我同志者
必以吳公李膺之名歸之具有所執賴于周人者非一
貞元五年受代來朝上京燕息衡門詠歌卒歲以俟道
長末如命何初公之在滑也方屬兩河之驚不敢以非
疾之憂貽於高堂堅請退閒亦既終養具在汴也有二
千石結根貴幸怙寵傲慢收小惠於下墮大計於上公
數其不供之咎請以去之言而未行拂衣自免未幾彼
果顛覆李公於是厚禮還公且有中軍中憲之授蓋進

退終始不違於道多此類也母弟澄檢校膳部郎中潤
大理司直涇前潁州刺史少失先府君之教入學入仕
為郎為邦皆公之訓誘也夫人隴西縣君李氏故太子
賓客翼之子有淑媛之美成公之家事公姑之孝聞焉
奉叔公之友聞焉其輔佐之力由中及外者出處聞焉
今也髮首泣血自雍及絳一號千里行者悲之子曰鉞
弱而有立毀過成人謂員平生交親見託為誌其文曰
倚歟裴公昭朗直清哭來發跡和李騰聲處則全養出

能保貞蒸蒸穆穆為子為孫天闕遐志摧頽壯齡哀哉
哲婦為代之程

監察御史裴府君墓誌銘 前人

嗚呼有唐君子河東府君之墓公諱某字某先伯益之
苗裔分秦封晉史牒詳之元魏河北太守萬虎兄弟三
人時稱三虎並仕於魏魏都河洛在天地之中故裴氏
始有中卷之號公則萬虎八代孫也曾祖某冀州都督
府長史祖某温州樂城縣令父某蔡州司田叅軍初命

左領軍衛倉曹叅軍倅商州刺史李佐戎事遷同官縣丞李侯移鎮桂林統師南服表公為監察御史介澄察之政至今二府思李公之美繫公是賴使罷閑于洛陽不幸遇疾以貞元六年秋八月庚申終于立德里之第享年四十有五明年辛卯葬于首陽山之陽龜筮與人三者習吉有子四人男曰綽曰約長一作次方胤幼能言女子孟少綽季少約母弟佐洪州南昌縣尉充本道庶使從事計之未及河南夫人穆氏祕書監新安公之季

女惟是一日二日泊踰月之事實弱妻主之吾聞之生也全其道沒也全其素是之謂君子公性充天醇氣與道冥行本忠恕文以禮樂可不謂全其道乎遘癘彌年待變彌月疾能銷公之體而不能減公之和命能天公之生而不能汨公之正可不謂全其素乎表之以君子言之者無愧銘曰

壽不與仁相會貴不與才相期福不與善相報命不與事相隨何四者之乖刺而不并集於斯已矣乎非夫人

之為慟而誰為

祕書監致仕穆玄堂誌

前人

唐貞元十年十一月二十一日公棄養于東都歸義里私第適寢明年四月嗣子贊洎質員賞奉遷靈座祔曾王父母于偃師首陽山之北原贊等惟刻石識墓非周孔之訓宋齊以來有之所以藏馨香俟陵谷不可闕也太夫人河東郡太夫人命曰禮經三月之事所以必誠必信勿之有悔焉者蓋孝子自盡之謂然則自盡之大

莫大於紀述平素貽簡幽明假詞他人不足以馱自盡
之義公諱寧字某十一代祖崇元魏宜都王其後孝文
自代遷洛陽遂為洛陽人奕葉王公與魏終五代祖加
皇朝殷州安陽令贈刺史太常卿高祖弘遠水部員外
郎曾祖固禮祕書郎祖思恭稷州錄事叅軍贈光祿少
卿考元休相州安陽令贈同州刺史自宜都至殷州以
淳粹之氣相遺自殷州至同州以清白之風相授傳洪
範九疇究天人之際皇王得之不出戶庭而天下治學

者得之為王者師公則同州君之元子鍾天元和發地
禎祥性得於孝友忠烈生齊於聰明正直淵深峻極溥
博閎厚用先王之禮樂節而文之是以外富直道中積
至行始厲高節終全盛德宣尼稱道之將行命也將廢
命也命也者似繫一人之謂小子則曰公之道將行時
也將廢時也使我公之得志也天下至公立大道行風
教厚人倫正天之未俾當時臻乎此也豈繫公之命乎
蓋天能使公道可奮乎百代而不洽乎當年才可周乎

萬物而不極於菑所天之不全歟時之不合歟天寶中
一命景城郡鹽山尉在官五年凡七宰旁邑三紀郡政
二介使臣祿山作亂以郡有煮海之富屬城之乘一作衆

使其黨曰劉道玄以假守之公乃糾合同志首唱大義
梟道玄以絕祿山而郡佐畏懦多與公駁史思明統衆
來寇郡伴公保東光縣拒之思明駭公之才使騎將持
書通好公立斬其使以徇于邑且封其書于郡郡佐逾
恐且虞思明之見讐也趣公罷攝公嘗佐黜陟使分巡

列郡與平原守顏公真卿陰圖祿山當亂所以禦之之
畫至是密遣家僮以手疏詣顏公書無他辭曰夫子為
衛君乎六字而已顏公執書感泣即以軍師之禮致
公公之許顏公也以長子屬於母弟曰唯所往苟不絕
先人之祀吾無累也既而從顏公登埤誓衆以必死與
之俱生援絕孤城公志愈厲顏公麾下有非公所制者
伺公請沐中夜迫顏公跳比及於河公方自拔他日顏
公詣行在所自訟有立者公之力無成者已之咎肅宗

嗟嘆以璽書徵公且謂顏公曰由廷尉評以諫議大夫
待之既至會顏公以言事忤旨其議遂寢上元乾元之
間累官史府尚書省分王命于河南征鎮之軍僅十餘
帥憑勲怙寵乘國艱危自以不叛為文靡顧文法公以
至誠格之大順激之清明律之由公徵令者相率如響
元帥李光弼將貳於上屢奸於公公守正不遷積與之
隙日宣不令之言欲公畏之公自泗抵徐馳驛輒至理
折其口義勝其心泄其温於包藏奪其謀於將發代宗

聞焉為一二宰臣詰之至於歎息于時周鄭路塞東南
貢賦之有入漕漢江轉商山招擇文武全才以守夏口
我于是有專城連率之寄金印紫綬之寵詔書下日百
城肅然清風先翔甘雨隨灑荆越吳蜀之富朞月傾之
俄封長江與淮西對境厥帥董秦多俾腹心為其津戍
拉商旅斷中流畏公明威拱手如桔舟楫上下如行其
家萬里來臻若赴于市部有酷吏姻連勲臣敢為貪狼
靡所畏忌公糾發賊罪暴之于朝且以鞭扑懲其悔慢

我於是有再黜之咎勲臣故也居五稔有詔徵入牽復
臺省大厯七年淮南旱和州以師旅後瘡痍深慎選良
牧用膺明命視人如子理事如醫居一閩人忘其傷又
一閩人忘其化無何受代代者冒以天寶季年版籍之
額洎即日所授數上聞是時兵興二十年矣異曰版籍
百無一存代宗震驚以為亡失在我故有泉州之貶初
公屬以徵發之弊抗於刺舉之司既而代至則不知代
者之指斐然歟將有為歟替守闕訟寃三歲聞徹降而

御史即州訊問則公初年季年戶增數倍使者還報會
今上龍興拜太子右諭德詔曰令子申父之冤憲臣授

舊唐書本
傳作奉

君之命楚劔不衝於牛斗秦臺自洗於埃塵

其明如此宮坊養德優遊卒歲每台輔易位宜以舉直
措枉或曰公卿缺員僉議所屬則中外之望必集于公
而前後宰政率以不附離之見憚故久滯於次公嘗自
卜進退以深識為元龜且時不我容我不時徇則非吾
之進也在於退乎默默然有浩歸之志凡謝病垂滿十

旬而時議迫隘公望充塞不得已而起者三泚之亂公
方杜門請急出無車馬假乘于故人太子少師常公倫
棄家逃汙出城信宿方審乎所在而奔馬轉祕書少監
右庶子錄奉天興元之勤也大駕還宮百官復位公曰
可以行吾志矣移疾罷免東歸吾土陵疑後五年就加
祕書監致仕遂公之志也考槃于瀍洛之上卜勝于北
山之陽良辰暇日盡四時之賞以仁自富以道自貴以
孝慈為稼穡以友愛為垣筮十年春喟然手疏述麟德

中高宗天皇帝詔問張公藝九代同居故事撰為家
令賜諸子諸婦人各一通贊等暨諸婦拜泣受賜公曰
吾之理命也是年秋違裕冬棄背壽七十九公伯姊元
夫人與公同稟至性有高世之德公率太夫人所以敬
養之道達於神明公之教育成人者高祖曾祖兄弟洎
孤甥姪與贊等所以威以勸之慈以撫之壹之乎天性
之至外姻僮僕不知所以別焉性嗜讀書無學不綜經
窮入室之奧史精歷代之博非聖人之教道則知而不

言每語及三代損益以逮於國朝典故莫匪成誦聞者
退徵於卷則文字甲子靡差毫釐或為卿大夫話其世
代蓋鄴子范子自言其祖不之逮也仕四朝更三紀歷
官二十五政德義政事無非殊効且未嘗有如分之報
而三黜一免由之善與人交始不以詔瀆合終不以生
死異嘗從王事歷佐權臣入於朋家之門雖周鄭交惡
田竇奪移彼不我疑我不彼貳嘗宴居誨羣子曰吾聞
君子之事親也養志為大吾之志也直道而已爾事君

事人或枉其道日以三牲五鼎充吾庖非養也苟繼吾志或承患難則義重於生宜從其重焉贊等祇荷嚴訓仕於天朝贊以御史中丞質以右補闕皆以守職不避強禦並罹譴逐員以侍御史佐東都留守不敢陷所事殺無辜賞以監察御史叫帝閤解兄難迭逢困尼公申誠曰先王之道洎爾友朋之議及吾異日之訓爾無虧焉愛子者教之以義方不聞以詔爾其勉之贊等永惟古人有欲養不待之痛公高尚不仕侍養十年而贊等

官薄命奇不自極於不才不孝之分內乏擊鮮之獻外
貽非疾之憂是以上天明神罰以不得自死之苦夫不
死之道有不敢不能替等伏念為公之嗣且太夫人在
堂是則不敢負不肖不逮於義劣不能死荒不及文哀
舉大端永閔幽宅

文苑英華卷九百四十三

欽定四庫全書卷

文苑英華卷九百四十四

宋 李昉等 編

職官六

李少尹佐墓誌一首

嚴司業墓誌一首

李中丞史魚墓誌一首

劉給事迴墓誌一首

梁補闕肅墓誌一首

柳府君某墓誌版文一首
魏郎中弘簡墓誌一首

京兆少尹李公墓誌

穆 員

有唐故京兆少尹隴西李府君諱佐字公輔年未充其志位未半其才君知其賢天不躋其用親待其養命不偕其榮貞元六年六十有一三月丁巳終於長安興仁里閏四月丁未夫人范陽縣君盧氏奉公之喪達於洛汭月日壬午弟前監察御史俛承公之喪于告成從先公居且曰理命初公以疾得謝沉痾累載三事羣公僉謂公仁可長人武可訓戎正可持刑權可調賦其忠肅明敏尤宜尹京前後執事當趙張三王吳公李膺之

選輒遲遲其授以俟公之起而公未聞然及時賢聞此
凶訃嗟嘆之聲決于上下詔贈同州刺史賻以布帛故
事公卿薨位有以震悼于上心者則及追贈其或加等
申之以賙公以貳尹去職禮優飾終有以見才拔乎萃
恩超于時若假之永年以極其遇詎可涯也嗚呼惜哉
五代祖禮成隋禮部尚書絳郡公祖元恭皇大理少卿
知吏部選事父誦高名下位陳州宛丘縣公十歲而孤
居喪有過成人之感太夫人滎陽鄭氏抑之然後復於

禮弱冠擢明經調婺州武義縣尉以清白苦節聞故相
彭城公辟以從事凡三遷至監察御史領江西之賦又
遷中州刺史戎師作亂移公隨州其後僭逆以公先奉
太夫人在外疑焉折簡趣公公以自脫之計未售辭疾
者再元克使其徒來劫公語以疾愈自祇赴者與逆徒
偕先是熟與舅氏克鈞期於境上克鈞日涕泣於襄陽
節度使賈公公感而義之為出敢死之士克鈞亦毀家
行賂以賈勇奇兵如約公以輕騎脫焉表公為倅者荆

南江西鄂岳三府上以鄂岳請命先至除檢校戶部郎
中兼侍御史充都團練使鑾駕還京公奉章朝奏是時
梁汴圯隔漕運不至逆將跋扈屯于近郊關輔困於兵
蝗帑藏索於錫與上以貢賦之入必由江漢擇全才領
商於之地以闢南門於是有刺史防禦中丞之命公心
周庶政手集庶物明如理身勤如理家俾天収其災地
盡其利峻嶺重負至如川流詔加朝議大夫賜金印紫
綬封太夫人滎陽太君賜一子宮其事刻之金石實吏

部侍郎李公為之訟無何授桂管觀察經畧使部內不
及朝貢之羈縻州者十八舊例首領賚於官署為刺史
一州所貢悉以奉之其或魚肉斯人之甚有來訟者率
以遐遠阻險非文法所及置之公於是易之以中土溫
良之吏越人之男女不為所鬻資產不為所奪悅而戴
之相與稟令其移風俗如此者非一累以親老陳乞故
有亞尹之拜是則假道無如命何初宛丘之人吏感府
君之明惠而矜公之孤藐相與竭於贈予所以送死養

生之異兼焉太君曰昔吾夫之所以為生也今以沒而受賄則是死吾夫也畢以辭之公由是奉先公之貽訓太君之清德常恐失墜三為郡一為帥從公一作仕者二

十六年退居無具藥之資沒代無護終之直室有孀姊妹挈孤甥者數房孀與孤者亡無怙之卹一女甃然俛以其弟二子彥主公之後焉嗚呼為富不仁為仁不富信矣積善餘慶何具不信哉不然公之所豐者仁義所不絕者遺愛故事風流於後豈物莫兩大而使然耶俛

以員兄弟偏公之遇辱命為誌悲而不文銘曰

君之生業成官達尊親揚名天錫純孝古之遺清君之
沒皆高堂去白日恨榮養之不終吐遺言於將絕祔君
於先嗣君於後賢哉悌弟之心有以復君之友

國子司業嚴公墓誌

前人

公諱某字某馮翊臨晉人其先有漢太子太傅彭祖為
左馮翊子孫家焉十二代祖翰林東漢末復守本郡後
四葉至元魏平南將軍郃陽侯稚玉又四葉至皇朝洮

州都督君協協生魏州司功叅軍贈太常少卿方約公
之祖也方約生銀青光祿大夫左庶子贈宋州刺史損
之公之禰也自平南至洮世以侯國相襲事名聲稱之
府君迪奕葉之祥鍾生知之美用為孝悌用為忠貞用
為循良用為道藝出處終始小大由之天寶中以門子
經行擢弘文生調叅江陵府軍事時所奉之主王永璘
陰有吳淠東南之亂致公賓友之禮公迨其將兆而未
發也以智勇免之受命南國洎督王賦者或咨公以畫

或倚公以辦三遷至大理司直賜銀印赤綬慎選京邑
從容臺署歷京兆府戶曹掾殿中侍御史虞部員外郎
河洛思其理理行發聞拜河南令刑部郎中雅素儒學
選國子司業建中宰相怙威朋家構閔公以親累貶潮
州司戶時泰道長公議興能推連州刺史換彬州累加
朝議大夫封馮翊縣男旌異政也公母弟士良並龔黃
之寄蓋不勝形影分離之憂及聞士良罷歸公亦陳乞
自免願言相視而終老焉既至京師復拜國子司業無

何士良出牧公悼別加等忽忽不樂燕居如失貞元八年某月某日歸全于長安新昌里之私第春秋六十有五初公自柳之歸也有從祖姑世父母身沒嗣絕旅殯越公卿匍匐發護毀家襄事各遷祔于先塋服仁義者歸心焉夫人彭城劉氏右僕射彭城公之女生子男三人先公而沒祔先姑于龍門山之北原事具前誌嗣子纂次子筠季子纂皆感過于縗毀疑於滅冬十一月二十有一日奉公歸夫人之室且從先君銘曰

巖氏阡北原上先賢後賢如相望我歸曷歸歸此一作
室我友俟我以琴瑟香長夜兮無白日

侍御史攝御史中丞贈尚書戶部侍郎李公墓

誌

梁肅

公諱史魚字某趙郡平棘人也隋下邑令大經玄孫皇
朝襄州錄事叅軍玄暉曾孫漣水丞藻之孫青州司法
叅軍贈和州刺史萬總之子其先于木藩魏武安霸趙
司隸盛於東京特書別為集作西祖載在紀牒于家有

光自下邑至於

集無于字

和州四世無違克生俊德公天姿

俊

集作淳

邁少負英氣清明博厚虛受特達行本於孝友

業成於文章開元中以多才應詔解褐授祕書省正字

時海內和平士有不由文學而進談者所耻公以盛名

冠甲科群輩仰之如鴻鵠軒

三字集作鶴鴻鳴軒

在霄際矣秩滿

調補河南叅軍長安尉監察御史時宰相李林甫當國

怙權稍鋤去異已者公外不附離內不懾憚竟為所陰

中貶來陽丞累移至朝邑令下車周月而頌聲作上方

銳意武功寵厚邊將拜公殿中侍御史叅安祿山范陽

軍事河北首亂公脅在圍中危冠正詞誚

集作譙

讓元惡

勢迫難奪望重見容朝廷雅知公忠遷侍御史充封常

清幽州行軍司馬隔于克盜詔不下達公與張休獨孤

問俗密結壯俠志圖博浪之舉間遣表章請固河潼之

守帝用深嘆吾謀未行會虜將能人姓元浩擁師河上

集作南

公詭請勞撫因以大義諭之能亦知復翻然向順

裂賊左臂繫公之力是歲至德一年也相國張平原鎬

以狀聞復授侍御史攝御史中丞充河南節度叅謀河北招諭使中朝方倚公以重任戎鎮又咨公以成務公謂委身蹈難非節違亂歸政非公叨恩受祿非義僂俛從政吾何以安假公事東至江淮以上元二年七月二十六日遇疾終于揚州官舍春秋五十六藁葬于禪智佛寺之側貞元元年嗣子竦以谷口扈從之勲朝廷推恩追贈公尚書戶部侍郎五年歲次丁巳某月日始歸窆於某鄉某原上距捐館凡二十有九年不得吉卜且

難是以緩夫人河東郡君裴氏河州刺史某之女吏部尚書寬之姪以禮佐君子降年不永春秋若干天寶二載終于洛陽至是祔焉傳稱有明德若不當世其後必有達人惟公含章挺生好是正直蹈難全德終然允臧蓋道與其仁神輔其志宜乎其有後也竦以文藝更事歷中書舍人戶部侍郎天子以為才任方鎮加左散騎常侍知鄂州軍州事領都團練觀察使長才厚位而壽不至士友痛之竦弟竝長安尉亦早卒最少曰竦純懿

集作

而文克奉家業咨于從祖父殿中侍御史臯魚爰

卜兆域以寧神宅臯魚于公

集無公字

天倫之間有知己之

道泣叙美行俾予誌之其文曰

時之晏卿雲爛鸞鳳于飛上清漢吾道行年路方半時

之昏沴氣繁鯨鯢蕩海橫中原側身西望不敢言忠莫

渝兮計獨存奮辭感激激牧東藩雷雨作解草木蕃一隨

逝水空遊菟播清徽

集作音

與茂烈水延輝兮

集作耀

垂後

昆

給事中劉公墓誌

前人

公姓劉氏諱廻彭城人楚元王交之後也當漢興諸侯

王子孫唯楚為盛世為儒宗光耀史牒集作冊以至公大

父皇朝尚書比部郎中贈徐州刺史府君諱藏器徐州

生烈考右散騎常侍贈工部尚書居巢文公諱子玄初

文公儒為天下表有才子六人曰旼曰鍊繼文公典司

國史時議比子長孟堅曰秩曰迅以述作之盛德行之

美追蹤孔門曰彙與公用剛直明毅焯於當時故言卿

集作
卿

族者舉盛業以明其家公好學善屬文天寶中進
士登科解褐拜江都尉轉左金吾兵曹介江南西道採訪使歷大理評事監察御史入為殿中侍御史出為永
州刺史未行改戶部員外郎尋佐江淮轉運使授著作
郎加檢校戶部郎中國子司業三領侍御史當是時中
夏初定而兵未戢故公所受任以餽運才賦為先而公
亦飭躬蒞職所到無不均不安之患大厯初詔擇二千
石遂授公吉州刺史三載績成徵拜諫議大夫遷給事

中移疾請醫于洛陽享年若干以建中元年七月某日
終于某里私第嗣子某泣血孺慕以某月日奉公之喪
權窆于某原惟公貞方端肅居敬行簡和而不同直而

不倨博聞

集作見

強志樂善下人在諫司陳古今以通諷

諭言發而王度潛潤事行而天下莫聞及夫給事黃門
登舉典要壺遂之才未展士安之病已深吾道豈窮大
運斯止嗚呼始公祭酒秩功曹迅並與故相國房公瑄
厚善其終也趙郡李公華志焉洎公在廬陵治行尤異

則故國崔公祐甫頌焉蓋伯仲德美煥乎金石試為斯

文銘曰

惟堯之緒在漢開楚導長源兮比部蘊仁文公允文

集作

新關儒門兮重世掌史遷固慙美立斯言兮惟公才明

剛中志行直道發兮累佐使臣一麾牧人遺愛結兮給

事于中遭

集作遺非

命不融神理忽兮丘有夷淵有實舟斯

失劍斯沒石不滅兮

右補闕翰林學士梁君墓誌
崔元翰

唐右補闕翰林學士皇太子諸王侍讀史館脩撰梁君諱肅字寬中其先安定人繇漢魏已降至于隋氏世有爵位家貴門盛刑部尚書邯鄲公曰毗君之五代祖以至於唐散大夫右臺侍御史趙王行臺記室宜春公曰敬實公之高祖朝散大夫右臺侍御史曰愕君之曾祖祖昱終于莫州任丘令父達止于司禦率府兵曹參軍事安卑于燕薊避亂于吳越故其世少衰焉君嘗為司禦府君靈表以表其墓自叙其世系甚備公建中初以

文詞清麗應制授太子校書請告還吳相國蘭陵蕭公
薦之擢授右拾遺脩史以太夫人羸老有沉痾之疾辭
不應召其後淮南節度使吏部尚書京兆杜公表為殿
中侍御史內供奉管書記之任貞元五年以監察御史
徵還臺非其所好於是備諫諍而佐於大君傳經術而
授於儲后典文章於近署垂勸戒於東觀授赤紱銀印
之錫聞者榮之九年冬十有一月旬有六日寢疾于萬
年之永樂里享年四十有一詔贈禮部郎中賻以布帛

十年春正月二十八日葬于京師之南小趙春之原子
徽之弘之俱未冠嘗學文矣幼子未名小字振振夫人
京兆韋氏抱之以縗從其輜車哀感行旅嗚呼君之寓
于江南十六而先府君歿事祖母以至孝聞在羈旅之
中當離亂之際貞固而未嘗忘於道廉讓而未嘗虧於
義年十八趙郡李遐叔河南獨孤至之始見其文稱其
美由是大名彰于海內四方之諸侯洎使者之至郡更
遣招辟而賓禮之其升於朝無激訐以直已無逶迤以

曲從不爭逐以務進不比周以為黨退則澹然而居於
一室傲遺乎萬物貫極乎六籍旁羅乎百氏考太史公
之實錄又考老莊道家之言皆觀其奧而觀其妙立德
玩詞以為文其所論載諷詠發于春秋協于謨訓大雅
之疏達而信頌之寬靜形焉博約而深厚優游而廣大
具三百之遺有文集三十卷為學者之師式嘗著釋氏
止觀統例幾乎易之繫辭矣前後五歲職必更於清顯
擢必首於俊造歿之日位未及於褒贈之典然而天子

惜怛悼痛思有加焉假之以壽則將有器使之寄柄用之重是直屈於短夭而無命非不遇也執友博陵崔元翰哀之乃為銘于墓門識其丘隴銘曰

懿文德垂典則以藻身又華國命之短哀何極

叔父殿中侍御史府君墓版文

柳宗元

柳氏之先自皇帝歷周魯其著者無駭以字為展氏禽屬本有以食米為柳姓厥後昌大世家河東嗚呼公諱氏字

某字某魯王父朝請大夫徐州長史諱子夏遺貞白之

操表儀宗門王父朝散

集作請

大夫滄州清池令諱從裕

垂博俗之道啓佐

集作佑

後胤皇考湖州德清令諱察躬

行孝悌之德振揚家聲惟公端莊無詔徽柔有裕峻而

能容介而能羣其在閨門也動合大和皆由順正愷悌

雍睦莫有間言故宗黨歌之其在公門也釋回錯枉造

次秉直事不失當舉無疵政故官府誦之用冲退徑盡

之志以弘正友道信稱於外焉用柔博愛之道以視

遇孤弱仁著於內焉此公脩己之大經也自進士登高第調受河南府文學秩滿渭北節度使論惟明辟為從事受太常寺協律郎元戎即世罷職家食無何朔方節度使張獻甫辟署叅謀授大理評事賜緋魚袋改度支判官轉大理司直遷殿中侍御史加度支營田副使此公從政之大畧也既佐戎事實司中府匪頒有制會計明白嗚呼分閫委政繫公而成務朝右虛位待公而周事宗門期公而光大姻黨仰公而振耀貞元十二年歲

在甲子正月九日壬寅遇暴疾終於私館享年五十痛
矣夫人吳郡陸氏洎仲弟綜季弟續冢姪某等抱孤即
位牽率備禮祇奉裳帷歸于京師以某年月日庚寅安
厝于萬年縣之少陵原禮也公有男一人始六年矣在
髻知孝呱呱涕洟凡我宗戚撫視增慟嗚呼哀哉初公
元兄以純深之行端直之德名聞於天下官至侍御史
持斧登朝憲章肅清常以先公之神未克遷祔不正席
不甘味及撰日定期而昊天不弔志奪禮廢公實敬承

遺志行有日矣而閔凶荐及不克終事則我宗族之痛恨具有既乎惟公盡敬孝養致毀於居憂表正宗姓觀

示他族故家

集作宗

人咸曰孝如方輿公

公諱僧習以孝德聞

脩詞

以藻德振文而遵志以為理化之始莫尊乎堯作堯祠頌以為述德之道不忘始祖作始祖碑以為紀廣大之

意叙正直之節不嫌於親作元兄侍御史府君墓誌其

餘諷詠比興皆合於古故宗人咸曰文如吳興守

吳興守諱

惲以文章顯

當官貞固確乎不拔持議端方直而不苛故宗

人咸曰正如衛太史

太史
諱莊

率性廉介懷貞抱潔嗣家風

之清白紹遺訓於儒素故宗人咸曰清如魯士師

士師
諱禽

兼備四德具體而微公之謂矣小子常以無兄弟移其
睦於朋友少孤移其孝於叔父天將窮我而奪其志故
罔極之痛仍集焉朴魯甚駸不能文字敢用書宗人之
辭以致其直故質而俚輟哭紀事哀不能文故叙而終
焉

尚書戶部郎中魏府右墓誌 前人


魏氏世墓于某縣原唐興有聞士諱之邊者與子及孫咸舉進士嗣為儒家綿州涪城尉諱全珪魏州臨黃主簿諱欽慈太常主簿諱緄尚書繕部員外郎兼江陵少尹諱萬成凡五代名高而不浮於行才具而不得其祿江陵府君益之以閎達之量經緯之謀故豪士賢大夫痛慕加厚生郎中府君諱弘簡字曰裕之以文行知名既冠而德禮聞於鄉黨既仕而法制立於官政溫柔發乎外見而人莫不親直方存乎內久而人莫不敬由進

士策賢良連居科首授太子校書歷桂管江西福建宣
歛四府為判官副使累授協律郎大理評事三為御史
賜緋魚袋在州六年而人樂之廉使崔衍曰吾敢專天
下之士獨惠茲人乎遂獻天子拜度支員外郎轉戶部
郎中邦賦克舉人望愈重年四十七貞元二十年九月
三十日不疾而歿震悼之聲遐邇一辭集注且曰斯人
也而不得為善之利中人其怠乎君嘗三娶而卒無主
婦庭無倚廬堂無抱孤有令兄弟以主其喪有孝女以

守其祀故哭於客位弔于殯東者咸加哀焉凡為部從事府喪而當其位者三州缺而居其守者二皆得其理君之先再世貧不得葬故以祿仕遊於諸侯薄衣食損車馬凡十有餘事卒獲于厥心其族屬之無主後者皆位其墓姊姪之無歸從者咸會于家由是處約以終其世既斂家宰庀其政視廩唯釜鍾視藏惟束帛無餘積焉十有一月遣車歸于洛師某日祔于墓監察御史柳宗元聞其道而翫其文也久居又同閔故哀而銘之其

辭曰

郎中之道惟直是保淳泊坦厚溫恭孝友郎中之文惟
孝是宣溥暢周流炳蔚紛綸為周賢能為漢賢良始仕
讐校篇籍有光仍授使檄訐謨用揚二居郎位征賦以
理休聲載起顯命伊始生而不壽孰知其止歿而不嗣
孰濟其美有翩其旗爰舉裳惟行道遲遲望墓而歸象
物是宜卜筮孔時里人作銘不愧于辭



文苑英華卷九百四十四

欽定四庫全書

集部

文苑英華卷九百

四十五至
五十

詳校官庶吉士臣龍廷槐

助教臣常循覆勘

總校官進士臣朱鈐

校對官助教臣蔡鈐

謄錄監生臣張仲芳

欽定四庫全書

文苑英華卷九百四十五

宋

李昉等

編

職官七

李翰林白墓誌一首

皇甫少保鏞墓誌一首

張祕監仲方墓誌一首
白居易自撰墓誌一首

贈左拾遺翰林供奉李白墓誌

范傳正

附見李
白集

騏驥筋力成意在萬里外
厥塊一蹶斃於空谷唯餘駿

骨價重千金大鵬羽翼張勢欲摩穹昊天風不來海波

不起塌翼

集作
起

別島空留大名人亦有之即

集作
即

故左

拾遺翰林學士李公之謂矣公名白字太白其先隴西

成紀人絕嗣之家難求譜牒公之孫女搜於箱篋中得

公之亡子伯禽手疏十數行紙壞字缺不能詳備約而

計之涼武昭王九代孫也隋末多難一房被竄于碎葉

流離散落隱易名姓故自國朝已來漏

集作
編

於屬籍神

龍初潛還廣漢因僑為郡人父客以通

集作
通

其邑遂以

客為名高卧雲林不求祿仕公之生也先府君指天枝

以復姓先夫人夢長庚而告祥名之與字咸取所集作

所取

象受五行之剛氣叔夜文集作高挺三蜀之雄才相如

思集作逸瓌竒宏廓拔俗無類少以俠自任而門多長

者車常欲一鳴驚人一飛冲天彼漸陸遷喬皆不能也

由是慷慨自負不拘常調器度弘大聲聞于天天寶初

召見於金鑾殿玄宗明皇帝降輦步迎如見園綺論當

世務草和集作答集作番書辯如懸河筆不停綴玄宗嘉之以

寶裝

集作
牀

方丈賜食於前御手和羹德音相褒將

二字
集作

褒美 褐衣恩遇前無比儔遂直翰士專掌密命將處司言

之任多陪侍從之遊他日泛白蓮池公不在宴皇歡既

洽召公作序時公已被酒於翰苑中仍命高大

集作
大字將

軍扶以登舟優寵如是布衣之遇前所未聞公自量踈

遠之懷難久於密侍候間上疏請還舊山玄宗甚愛其

才或慮乘醉出入省中不能不言溫室樹恐掇後患惜

而遂之公以為千鈞之弩一發不中則當摧撞折牙而

永息機用安能劬碌碌者蘇而復上哉脫屣軒冕釋羈
韁鑣因肆情性大放於宇宙間飲酒非嗜其酣樂取其
昏以自當作詩非事於文律取其吟以自適好神仙非
慕其輕舉將以不可求之事求之其意欲耗壯心遣餘
年也在長安時祕書監賀知章號公為謫仙人吟公烏
栖曲云此詩可以哭鬼神矣時人又以公及賀監汝陽
王崔宗之裴周南等八人為酒中八仙朝列賦謫仙歌
百餘首俄屬戎馬生郊遠身海上往來於斗牛之分優

游沒身偶乘扁舟一日千里或遇勝境終年不移則

集作

時長江遠山一泉一石無往而不自得也晚歲度牛渚

磯至姑熟悅謝家青山有終焉之志盤桓利居竟卒於

此其生也聖朝之高士其死

集作往

也當塗之旅人代宗

之初搜羅俊逸拜公左拾遺制下於彤庭禮降於玄壤

生不及祿歿而稱官嗚呼命歟傳正共

集無共字

生唐代甲

子相懸常於先大夫文集

集作字

中見與公有潯陽夜宴

詩則知與公有通家之舊早於人間得公之

集無之字

遺篇

逸句吟詠在口無何叨蒙恩獎廉問宣池按圖得公之

墳墓在當塗屬

集作屬字

邑因令禁樵採備洒掃訪公之子

孫

集作故

將申慰薦凡三四年乃獲孫女二人一則

集作為

陳雲之室一乃劉勸之妻皆編戶

毗

集無毗字

也毗也因召至

郡庭相見與語衣服村落形容朴野而進退閑雅應對

詳諦且祖德如在儒風宛然問其所以則曰父伯禽以

貞元八年不祿而卒有兄一人出遊一十二年不知所

在父存無官父歿為民有兄不相保為天下之窮人無

桑以自蠶非不知機杼無田以自力非不知稼穡况婦

人不任布裙糲食何所仰給儷於農夫救死而已久不

敢聞于

集作於

縣官懼辱祖考鄉閭逼迫忍耻來告言訖

淚下余亦對之泣然因云先祖志在青山遺言宅兆頃

屬多故殯於龍山東麓地近而非本意墳高三尺日已

集作益

摧圯力所不及知如之何聞其所言

集作聞之憫然

將遂

其請因當塗令諸葛縱會計在州得諭其事縱亦好事

者學為歌詩樂聞其請

集作語

便道還縣躬相地形卜新

宅于青山之陽以元和十二年正月二十三日遷神於

集作于

此遂公之志也西去舊墳六十

集作此字

里南抵驛路

三百步北倚謝公山即青山也天寶十二載勅改名焉
因告二女將改適於士族皆曰夫妻之道命也亦分也
在孤窮既失身於下俚仗威力乃求援於他門生縱偷

安死何面目見大父於地下欲求

集作敗

其類所不忍聞

余亦嘉之不奪其志復并稅免徭役而已今士大夫之

葬必誌于

集作於

墓有勲庸道德之家兼豎

集作樹

碑于道

余才術貧虛不能兩致今作新墓名輒刊二石一寘于

泉扃一表於道路

集作
通路

亦峴首漢川之義也庶芳聲之

不泯

集有
焉字

文集二十卷或得之於時之文士或得之於

公之宗族編緝斷簡以行于

集作
於

代云其銘曰

嵩嶽降神是生輔臣蓬萊譴真斯為逸人晉有七賢唐

稱八仙應彼星象惟公一焉晦以麴蘖暢于

集作
於

文篇

萬象奔走乎筆端萬慮泯滅乎罇前卧必酒甕行惟酒

船吟風詠月席地幕天但貴其適所以適

集作但貴乎
適其所適

不知夫所以然而然至今尚疑醉在千日寧審乎壽終
百年謝家山兮公之墓異代詩流同此路舊墳卑痺風
雨侵新宅奕塏松栢林故鄉萬里且無嗣二女從民永
於此猗歟琢石為二碑一臨幽壤集作一
藏幽隧一臨岐岸深
谷高變化時一存一毀名不虧

銀青光祿大夫太子少保安定皇甫公墓誌

白居易

公姓皇甫諱鏞字餘卿始封祖微子也周克殷封于宋

九世至戴公戴公之子曰皇父因字命族為皇父氏至

于

集無
于字

秦徙茂陵改父為甫及漢遷安定朝那其後為

朝那人五代祖珍義資建二州刺史曾祖文房高陵令

祖隣幾贈汝州刺史考愉累贈尚書左僕射太子太保

妣洛陽賈氏贈姑臧郡太夫人公由進士出身補夏陽

主簿試左武衛兵曹充宣歙觀察推官轉大理評事詔

徵授監察御史改秘書郎殿中侍御史內供奉始賜朱

紱銀印充鳳翔節度判官營田副使旋又徵還直拜殿

中改比部員外郎河南令都官郎中河南少尹歷太子
左右庶子並分司東都俄又徵拜國子祭酒未幾謝疾
改太子賓客轉祕書監分司又就拜檢校左散騎常侍
兼太子賓客轉祕書監分司始加命服正三品又遷太
子少保分司封安定縣開國男食邑三百戶始立家廟
享三世公先娶博陵崔氏後娶范陽盧氏二夫人皆有
淑德先公而歿有二子曰璪曰珣一女適太原王諲以
開成元年七月十日寢疾薨於東都宣教里第享年七

十七皇帝廢朝一日是歲十月三日用大葬之禮歸全

于集作於河陰縣廣武原從太保府君先塋以盧夫人合

祔焉公自將仕郎累階至銀青光祿大夫自武騎尉累

勲至上柱國自布衣而佩服金紫自旅食而廟享祖考

封爵被乎身褒贈及乎先官品蔭乎後大其門肥其家

儒者之榮無闕焉皆求已稽古之力自致耳公為人器

宇甚弘衣冠甚偉寡言正色人望而敬之至於宴遊觴

詠之間則其貌溫然如春其心油然如雲也初元和中

公始因郎官分司東洛由是得伊嵩趣愜吏隱心故前

後歷官八九凡二十有五年優游洛中無哂

集作哂

笑意

忘懷

集作來

窮達與道始終澹然不動其心以至于考終

命聞者景

集無景字

慕之謂為達人當憲宗朝公之仲弟居

相位操利權也從而附離者有之公獨超然雖貴介之

勢不能及及仲失寵得罪也而緣坐者有之公獨皦然

雖骨肉之親不能累識者心伏號為偉人公好學善屬

文尤工五言七言詩有集十八卷又著性箴

集作言

十四

集作四十

篇居易辱與公遊迨二紀矣自左右庶子歷賓客訖于少保傳皆同官東朝分務東周在寮友間聞知最熟故得以實錄誌之而銘曰

賢哉少保令問令儀金壁其操鸞鳳其姿德如斯壽如斯位如斯嗚呼人爵天爵實兼有之廣武之原大河之涓龜告筮從吉土良時封于茲銘集作樹于茲嗚呼少保之墓百代可知

銀青光祿大夫祕書監曲江縣開國伯贈禮部

尚書范陽張公墓誌

前 人

公諱仲方字靖之其先范陽人也

集無也字

晉司空茂先之

後永嘉南遷始徙居于韶之曲江縣後嗣因家焉唐朝

贈太常卿諱弘愈公之曾祖也嶺南節度使廣州刺史

殿中監諱九臯公之王父也贈尚書右僕射諱杭

集作抗

公之皇考也贈潁州郡太夫人陳氏公之皇妣也都昌

令仲端以下四人公之兄也監察御史仲孚以下二人

公之弟也博陵郡夫人崔氏公之夫人也右清道率府

胃曹景宣進士茂玄明經智周公之子也監察御史裏
行揚澣校書郎陸賓虞公之婿也公即僕射府君第五
子貞元中進士舉及第博學選登科初補集賢殿校書
郎丁內憂喪除復補正字選授咸陽縣尉鄜坊節度使
辟為判官奏授監察御史裏行俄而徵拜歷殿中轉侍
御史倉部員外郎金州刺史度支郎中駁宰相謚議出
為遂州司馬移復州司士集作馬俄拜集作遷刺史集作改
曹州刺史河南少尹鄭州刺史入為諫議大夫福建觀

察使兼御史中丞徵還為太子賓客再為左散騎常侍

京兆尹華州刺史兼御史大夫祕書監勲賜

集作至

上柱

國階兼銀青光祿大夫封至曲江縣開國伯食邑七百

戶開成二年四月某日薨于上郡

集作都

新里昌第詔贈

禮部尚書以某年八月某日歸葬于河南府某縣某鄉

某原附僕射府君之封域焉公幼好學長善屬文俯取

科第如拾地芥著文集三十卷藏於家纂制詔一百卷

行於代尤工五言章句詩家流稱之嘗撰先僕射府君

神道碑及丞相文獻始興公廟碑由文得理秉筆者許
之文獻始興公九齡即公之伯祖開元中以儒學詩賦
獨步一時及輔弼明皇帝號為賢相餘慶濟美宜在於
公公濟其業襲其文而不嗣其位惜哉矧公為人溫良
冲淡恬然有君子德立朝直清貞諒肅然有正人風在
官寬重易簡綽然有長吏體為子弟孝敬為伯父慈和
與朋友信寵辱不驚其心喜溫不形於色入仕三
十載歷官二十五享年七十二才如是祿如是壽如是

集作四

宜哉居易與公少同官老同遊交心

集作
結交

慕德久而彌

篤故景宣等以論譏先德見託為文式序且銘勒于墓

石銘曰

有

集作
在

唐張氏世為儒宗文獻既沒鬱生我公我公泯

泯學奧詞雄緣情體物有文獻風慶襲于家道積厥躬

駿足逸駟天驥冥鴻始自筮仕訖

集作
迄

于達官六刺藩

部再珥貂蟬大諫選重尹京才難賓于望苑寵在蓬山

凡所踐歷皆有可觀終然允臧已矣歸全嗚呼洛郊北

阡邛阜西原佳城一閉陵谷推遷所不泯者今名藹然

自撰墓誌

前人

先生姓白名居易字樂天其先太原人也秦將武安君起之後高祖諱志善尚衣奉御曾祖諱溫檢校都官郎

中王父諱鎰侍御史河南府鞏縣令先大夫諱季庾集作

庚朝奉大夫襄州別駕大理少卿累贈刑部尚書右僕

射先太夫人陳氏贈潁川郡太夫人妻楊氏弘農郡君

兄幼文皇浮梁縣主簿弟行簡皇尚書膳部郎中一女

適監察御史談弘謩三姪長曰味道盧州巢縣丞次曰
景回淄州司兵叅軍次曰晦之舉進士樂天無子以姪
孫阿新為之後樂天幼好學長工文累登進士拔萃制
策三科始自校書郎終以少傅致仕前後歷官二十任
食祿四十年外以儒行脩其身中以釋教治其心旁以
山水風月歌詩琴酒樂具志前後著文集七十卷合三
千七百三十首傳於家又著事類集要三十部合一千
一百三十門時人目為白氏六帖行於世凡平生所慕

所感所長所得所經所遇

集作通

所通一事一物已上布

在文集中間卷盡可知也故不備書大厯六年正月二十日生於鄭州新鄭縣東郭宅以會昌六年月日終於東都履道里私第春秋七十有五以某年月日葬于華州下邽縣臨津里北原祔侍御史僕射二先塋也啓手足之夕語其妻與姪曰吾之幸也壽過一作登七十官至二品有名於世無益於人褒優之禮宜自貶損我歿當歛以衣一襲送以車一乘無用鹵簿葬無以血食祭無

請太常謚無建神道碑但於墓前立一石刻吾醉吟先生傳一本可矣語訖命筆自銘其墓云銘曰

樂天樂天生天地中七十有五年其生也浮雲然其死也委蛻然來何因去何緣吾性不動吾形屢遷已焉已焉吾安往而不可又何足厭戀乎其間

文苑英華卷九百四十五

欽定四庫全書

文苑英華卷九百四十六 宋 李昉等 編

職官八

京官附

杜牧自撰墓誌一首 馬少監墓誌一首

栢蒼部宗回墓誌一首 尹四門守貞墓誌一首

房正字凜墓誌一首 獨孤校書申叔墓誌一

首 李校書元賓墓誌一首

自撰墓誌銘

杜 牧

牧字牧之曾祖某河西隴右節度使祖祐司徒平章事
岐國公贈太師考從郁駕部員外郎累贈禮部尚書牧
進士及第制策登科弘文館校書郎試武衛兵曹叅軍
江西團練巡官轉監察御史裏行御史淮南節度掌書
記拜真監察御史以弟病棄集作去官授宣州團練判官
殿中侍御史內供奉遷左補闕史館脩撰轉膳部比部
員外皆兼史職出守黃池睦三州遷司勳員外郎史館
脩撰轉吏部員外郎以弟病乞守湖州入拜考功郎中

知制誥周歲拜中書舍人牧平生好讀書為文亦不出人曹公曰吾讀兵書戰策多矣孫武深矣因注其書十

三篇可

集作乃

曰上窮天時下極人事無以加矣後當有

知之者去歲七月十日在吳興夢人告曰爾當作小行

郎復問其次曰禮部考功為小行也禮部

集無此二字

言其

終曲

集作典

耳今歲九月十九日歸夜微

集無此字

困亥初就

枕寢得被勢久酣而不夢有人即告曰爾改名畢十月二日奴順來言炊將熟甑裂予曰皆不祥也十一月十

日夢書片紙皎皎白駒在彼空谷旁有人曰空谷非也
過隙也予生於角昴畢於角為第八宮曰病厄宮亦曰
八殺宮上星在焉火星繼木星工楊晞曰木在張於角
為第十一福德宮木為福德大君子救於其旁無虞也
予曰自湖守不周歲遷舍人木還福於角足矣土火還
死於角宜哉復自視其形視流而疾鼻折山根年五十
斯壽矣某月某日終於安仁里妻河東裴氏朗州刺史
偃之女先牧若干時卒長男曰曹師年十六次曰祝柅

年十二別生二男曰蘭曰興一女曰貞皆以某月日葬于少陵司馬村先塋銘曰

後魏太尉顓封安平公及予九世皆葬少陵嗟爾小子亦克厥終安于爾宮

秘書少監史館脩撰馬墓誌 李 翱

公諱某字盧符宣州刺史玄慶

集作度

之曾孫著作郎贈

少府監恬之子公九歲貫涉經史魯山令元德秀行高一時公往師焉魯山令奇之號公為馬孺子為之著神

聰贊由是名聞中書令郭公子儀奏為懷州叅軍充四

鎮伊西庭節度巡官從事河陽三城河東三

集作二

是府累

轉試大府丞因得太原府倉黜陟使裴伯言謂公堪為

諫官薦之於朝并殿中御史充昭義軍節度叅謀召為

太子左贊善大夫遷主客員外郎使於

集作于

海東復命

授興元少尹入為將作少監改國子司業遷秘書少監

又加史館脩撰元和十三年十一月己酉寢疾卒公博

覽多藝弈碁居第三品家貧未嘗問生業祇以纂錄自

樂為事撰歷代紀錄類史鳳池錄纂寶折桂錄新羅紀

行將相別傳及所

集無
所字

為文總四百八十八卷年登八

十官貳祕書職領太史雖不極於富貴亦儒者之難及

也夫人潁川陳氏贈潁川郡君先公終三十年餘矣有

子七人曰文則由進士補錢塘尉第二第四子文範並

早卒曰文同曰文約讀書著文有名於進士場曰文興

曰溪郎皆恭守家法女五人其存者三人未笄文同等

奉公之喪以明年二月祔葬于偃師從先塋謂翱嘗從

於史氏之列來請為誌

倉部栢郎中墓誌銘

羅 袞

近代科學之家有栢氏倉部府君諱宗回字幾聖祖士
良忠州司馬父嵩毛詩博士贈國子司業君踵父學開
元禮咸通中考官第之尚書落之不勝壓屈因罷取家
蔭出身選為州縣官歷數任從軍幕為判官皆有聞相
國文昭公甚重之授著作郎于蜀行朝上即位數年承
反正之後將脩太廟時見饗九廟十二室而實七代議

者以為天子七廟六經無九廟文又欲以穆宗宣宗為
二廟僖宗為一廟出敬宗文宗武宗為別廟文武百官
參議不能定或薦君於相國徐君遂擢授太常博士及
進議請脩奉九廟十四室於是援引經籍研校今古發
出九廟九代之議追祔代宗德宗二廟穆宗宣宗通為
一廟以僖宗添為一室敬宗文武德懿宗為一廟親不
可出其推次代室分齒昭穆為暫然矣又下百官赴尚
書省參詳咸以為允奏請行之天子嘉贊敬依其議然

其徵據乃尚書正丈而不用鄭玄之說其法制乃殷周
遠事而不取漢魏已下故時人多疑之遂與數家爭論
雖未行其議而亟加寵秩始遷虞部員外郎賜緋魚袋
歲中轉虞部郎中明年遷倉部郎中加朝散大夫年六
十一以光化二年二月二日卒官京師某月日歸葬先
人之塋于邠州夫人清河張氏子廷徽開元禮登科廷
鸞尚幼君撰王公家廟錄五卷奏議論難宗廟之書萬
有餘言銘曰

幾聖之道予實親之幾聖之言予固聞之宗廟之事一

何專竒

一作乎非

討摘奧冥不由於師乃鄙鄭玄乃悅湯伊

今世之人安得不疑賜服熒熒省行屢征兀旣衰

一作影衰

華雖死不瞑親見夫子其勢不行夫子既沒庶幾乎明

苟如斯言遺恨可平尚或有知時觀吾銘

四門助教尹先生墓誌銘

張元

先生諱守貞

一作真

天水冀人蓋好學博古者也本乎官

族稱為尹氏昔有尹佚司周太史既乃吉甫勤於宣王

格言大勲布在詩傳遠祖締魏僕射曾祖欣隋開府大

父珍唐棣州蒲臺令父文唐通州三岡令先生積德餘

慶天錫純嘏愿而克恭情與理合七歲誦爾集作三雅能

通書契訓誥集作誥之義識草木禽獸之名十五誦三禮

明乎君臣父子之道定郊廟吉凶之制二十誦春秋尚

書能精五行九疇之別集作數斷褒貶會盟之節二十五

誦詩書及易能辯政教雅頌之始極變化生生之至又

能誦古史百家之書文章草隸之則耻夫流俗背實嚮

聲飾華褰未故每外和內厲元元本本學者如斯不舍
晝夜垂拱四年以明經高第遂授大成自延載之後條
限賓薦長安之初大開貢舉考功是歲千五百餘人召
先生課覈淑慝時稱無滯矣天子聞其進通經術乃下
制曰成均大成尹守貞業隆時習功宣日新集作既有
厲於分陰俾參榮於杖席可四門助教誥誥青襟有所
仰矣長安二年六月十日晝寢忽夢麟臺兩局爭召脩
行文覺而嘆曰十二日稷吾當往矣因命親族序訣至

日安枕俟期俄然而卒春秋四十可謂古之達化知命者嗚呼天與之德而不永其年天與之才而不大其位何乎粵七月十七日葬于高陽原先君子之舊塋銘曰尹氏之子其殆庶幾為仁由已三月不違謙成德柄學也身基辟雍洋洋可以療饑環林之下可以棲遲我實道貴人言位微脩文地下前哲同歸子之知命將歿先期朝衣東首精魂高飛人之云亡胡不悽而高陽之原有匪集作其側郭門直視松柏一色丘隴累累阡陌誰

識浮焉休焉我心惻惻

集作為我心則

房正字墓銘

梁肅

闕

唐長安令思晦之孫殷城令

齊公之子相國贈太尉清河公瑄之族子也興元元年

十月終于監官縣之族

集作旅

次旋窆于楚州寶應之某

原孟子云雖有鎡基不如逢

集作待

時揚雄亦稱李仲元

不誣其志不累其身時無仲尼惡乎聞若敬叔以五常為師六學為友行年五十八而動不一合艱屯艱危沒

於道路噫孟軻揚雲

集作雄

具知言者歟

集作如

敬叔十歲

好學十五年能屬文二十餘值陸渾為戎遯于東南劉

僕射以賢良薦授秘書省正字常黃門崔中書繼持國

柄方待以儒者之職屬二相薨免其他時政

集作當路

君又

不能附離乃卷道退歸每言五經之首其道大備而去

聖窮遠義類繁滋博而寡要學者罕究乃撮其異同各

集作名

以彙聚凡三百餘篇草藁未就遘疾

集作厲

而歿再

耕廢疾申公胥靡世道下衰仁人随之然歟通人趙郡

李遐叔常云我思古之人房行古之道房哉房哉

集本此下

又有哀哉哀哉四字

嗣子某泣序遺烈請予為誌文曰儒為德本

德實教源不有達學孰纂群言恂恂房君行直而溫一

匡六藝獨立顛門宜登師席啓迪蒙昏今也則亡來者

何云荆棘滋茂芝蘭燒焚命

集作今

不可問于嗟房君

祕書省校書郎獨孤君墓誌

集作碣

柳宗元

嗚呼有唐仁人獨孤君子

集無子字

之墓祔於其父太子舍

人諱助之墓之後自其祖贈太子少保諱問俗而上其

墓皆在霸水左今王后

集作父

營陵於其側故再世在此

嗚呼獨孤君之道和而純其用端而明內之為孝外之

為仁默而智言而信其窮也不憂其樂也不淫讀書推

孔子之道必求諸其中其為文深而厚尤慕古雅善賦

頌其要咸至

集作歸

于道昔孔子之世有顏回者能得于

孔子後之仰其望

集作賢

者辟之如日月而莫有議者焉

嗚呼獨君之明且仁而

集作如

遭孔子是有兩顏氏也今

之世有知其然者乎知之者其信於天下乎使夫人也
大而不嗣世之惑者猶曰尚有天道嘻乎甚耶君諱申
叔字子重年二十二舉進士又二年用博學宏詞為校
書郎又三年居父喪未練而沒蓋貞元十八年四月五日
也某集作是年七月七集作十日而葬鄉曰某鄉原曰某原
嗚呼君短命行道之日未久故其道信於其友而未信
於天下今記其知君者于墓韓泰安平南陽人李行誥
元固其弟行敏中明趙郡贊皇人柳宗元河東解人崔

廣畧清河人韓愈退之昌黎人王涯廣津太原人呂溫
和叔東平人崔群敦詩清河人劉禹錫夢得中山人李
景儉致用隴西人嚴休復玄錫馮翊人常詞致用京兆
杜陵人

太子校書李元賓墓誌銘 韓愈

李觀字元賓其先隴西人也

文粹集作本並無也字

始來自江之

東

二本有實大
學之祿五字

年二十四舉進士三年登上第又舉博

學宏詞得太子校書又一年二十九客死于

石本京師
作于

既歛之無三日具友人博陵崔弘禮買地以葬之于六

集作賣馬葬于文粹止作葬之于國東門之外七里鄉曰慶義鄉原曰

嵩原昌黎韓愈其友人也集作友人書石以誌之其銘

集作辭曰

已乎元賓壽也者吾不知其所慕夭也者吾不知其所

惡生而不淑孰為石本其作謂壽死而不朽孰為其大已

乎元賓文高乎當世行過石本乎古人已乎元賓集無

字竟郡伯溫次子博字公濟續父書號聞見後錄謂實本作意為妙方崧卿舉正信之大抵前輩文字多

自改於刻石之後而實本真贗尚未可知况邵氏父子所錄差誤非一端不可盡信以理觀之竟亦勝意何為哉竟何為哉

文苑英華卷九百四十六

欽定四庫全書

文苑英華卷九百四十七 宋 李昉等 編

職官九

周大將軍鄭偉墓誌一首

周大將軍侯莫陳道生墓誌一首

周大將軍宇文顯墓誌一首

周大將軍司馬喬墓誌一首

周大將軍吳明徹墓誌一首

周大將軍鄭常墓誌一首

周大將軍襄城公鄭倬墓誌銘 庚 信

公諱偉字子直滎陽開封人也周宣母弟就封于鄭河
洛之地即有民人號鄆之君非無郡邑其後蛇闔於門
龜嘗於鼎韓侵負黍晉滅陽城其祀忽諸以國為氏祖

徹撫軍

周書比史並作祖
思明直闔將軍

贈濟州刺史父先護驃騎大

將軍儀同三司襄城郡公青州刺史永安中洛城晝掩
黃河凌合翟泉盟會之地蒼鳥忽飛武庫兵欄之中鱗

魚遂上三帥北綫五馬南浮梁武帝大造中原樹君伊
洛公之憑軾棧車言歸舊壤起為通直散騎侍郎天厭
魏德政在強臣公耻入亂階乃於陳留起義太祖封函
谷而待諸侯坐艷宮而朝群后威懷是接席卷西飛大
統三年入朝蒙授武陽縣開國伯食邑六百戶尋除龍
驤將軍北徐州刺史開河橋之陳解王璧之圍張旃懼
旃於富平被練於伊闕探虎穴而揮戈上魚門而懸胃
故以策名司勳功高舍爵魏將侯景狼顧荆河天子命

我偏師赴接垂餌虎口中途背盟事獲交綏公之力也
除中軍將軍散騎常侍大都督襲襄城郡公食邑二千
戶仍除使持節車騎大將軍儀同三司餘如故遷驃騎
大將軍開府加侍郎常伯位重霍去病之登朝上將官
尊公孫敷之出塞以今方昔異代同榮魏後二年授大
將軍事江陵防主都督十五州諸軍事吳兵教士艦舳
習流島嶼憑陵波瀾衝激公整臨江界已悉南越之兵
載沉樓船即善昆彌之戰遂得安歌澧浦弭節潯陽留

魯侯而宴章臺對齊人而畋雲夢周保定元年授使持節都督宜州諸軍事宜州刺史天和六年授都督華州刺史餘如故嶠函重嶂汧渭分流陽陵之益既奔華陰之學還聚而消渴連年屢有相如之患至于大漸遂如范增之疾桐君對藥分闕神明李柱侍醫更無方便以天和六年四月十七日薨年五十七詔贈本官加少傅都督司豫洛相冀五州諸軍事司州刺史謚曰肅公禮也天子輟朝彌深大臣之議群公會葬咸得同盟之禮

夫人李氏頓丘貴姓卿相之門賢才之室霜露先侵策
封郊次以其年十一月六日合塋于咸陽之長安縣某
原合塋非古既異三王之前死則同穴還同六載之始
雖復銜珠兩鶴同歸紫蓋之松出匣雙龍共沒延平之
水嗚呼哀哉乃薦銘曰國有巖邑朝多君子武公莊公
平王卿士溫麥踰盟枋田廢祀驟乘停輿來朝識履惟
祖惟考既侯既公樞機周密出納清通治煩政簡處亂
心雄濟河遺惠一作德海岱餘風世濟其美載誕其器忠

無不為孝則不匱幽冀紛梗關河鼎沸自北自南聲聞
梁魏揚旌汝穎威震三川擁旄江漢席卷樓船成皋塵
起廣武烽燃麋興麗箭鴈落驚弦揔衛蘭錡申威河外
山類鼓樓樹如車蓋都護兩道將軍獨拜梧桐茂苑楊
柳倡家千金回雪百日流霞凋零倏忽悽愴榮華河陽
古樹金谷殘花隴昏雲暝山深路晚風氣纒高松聲即
遠疇昔親友懽愉交結不為平生應為此別

周驃騎大將軍開府侯莫陳道生墓誌銘

前人

君諱道生字某朔州武川人也本系陰山出自國族降
及于魏在秦作劉父少興武川鎮將山河抗拒關塞被
邊早擅威聲咸多雄烈君子讀書馬上清談劔端獨運
六竒專精三畧雖復身居末將而勇冠旌門位在支軍
而謀叅幕府魏正光五年任統軍頴天柱爾朱榮征北
海王永安三年隨太師賀拔勝入關尋轉別將滑源卷
甲關城束馬並皆尅捷若有力焉永熙三年補都督太

祖文皇帝奄有關河令行天下以君幹畧委之爪牙名

洽中洎功參上造兵臨河曲前登白馬之津寇發蒲城

先戰黃沙之苑臨晉橫船既禽趙將

韓信臨晉陳船虜魏王豹其擒趙虜

將自楚拔幟事在豹後未詳

馬陵削樹復下齊兵班瑞司勳披圖䟽

爵授驃騎大將軍金紫光祿大夫鄆縣開國公食邑五

百趙儼之為驃騎正駕單車張堪之拜光祿長乘白馬

以斯連類朝野榮之大統九年更姓侯莫陳氏隨大將

軍拓跋遠經始陽二水長闡三川無市探甲構病死於

轅門春秋五十一贈持節都督朔州刺史君在武川文
皇帝同鄉里霸功既立王業克成不忘捨講猶論償博
今嗣德惟新功臣追遠東都馬鳴不無見日之歎北陵
車過終憶平生之言有詔吏贈使持節驃騎大將軍開
府儀同三司都督宜教絳三州諸軍事敷州刺史謚某
公禮也夫人拓跋氏安邑郡夫人庭有鍾鼓家承箴誠
教容教德言告言歸天和五年六月薨卽以其年十月
同塋于京兆某縣洪源鄉武子成寢請西階而合塋平

縣下嫁即廬山

衛青與平陽主合
塋起家象廬山

而共墳銘曰凝陰遠

寂廣漠平寒沙窮瀚海地盡皋蘭塞鴻秋去胡桑夏乾

風土壯氣山河凜然師

一作兵

旅上谷威雄武川君則繼

踵代不乏賢匣有忠劔庭流孝泉魏室多故餘風未殄

天保讓德當途廢典上將指縱中涓力展洛城夜捷河

梁朝剪鐵劔金龜榮追玉鉉身胄漢祚門承魏緒並擅

華宗俱稱當路伉儷云匹年齡並故趙瑟秦聲同為丘

墓小陵石槨洪原鄉墓芻靈兩引池柳雙前隊路仍合

松城即連霜隨柳白月逐墳圓芝蘭幾代陵谷何年

周車騎大將軍贈小司空宇文顯墓誌銘

公諱顯

周書北史
並作顯和

字某上黨武鄉人也自大霧浮河長

虹映渚承源於若

一作
弱

水纂系於蒼林上黨居韓之西

常山在趙之北因地為氏可畧而言焉祖求南衛將軍

冀州刺史父金殿征南將軍定州刺史並控鶴兵俱張

戎樂聲榮之盛繼踵當年公稟山嶽之靈擅風雲之氣

容止矜莊聲名籍甚彎弧挽強左右馳射故得名高上

谷威振樓煩襲爵安吉縣侯食邑五百戶永興三年幽
并叛換有無君之心帝顧謂公曰天下洶洶將若之何
公曰擇善而從之乃誦詩云彼美人兮西方之人兮帝
曰是吾心也乃定入關之策以公母老家大令預計公
曰今日之事忠孝不並君不密則失臣臣不密則失身
帝愴然改容曰卿是我王陵遷朱衣直閣閣內大都督
改封長廣縣公邑一千五百戶武帝初至潼關太祖親
迎漆水太祖素知公名而未之識也目於衆疑而不問

直云今此人射水傍小鳥應手即著太祖喜云我知卿

名

周書北史
並作工

矣即用為帳內都督滄州諸軍事滄州刺

史增邑并前二千五百戶黃公衡之決土魏后是以推
心潘承明之忠壯吳王為之降禮異代同榮見之今日
東夏邊隅地連荒服井陘寒道飛狐路斷乃以公為使
持節衛將軍都督東夏州諸軍事東夏州刺史白波青
犢之兵銅馬金繩之亂莫不交臂屈膝牽羊抱馬在州
遘疾解任還朝小馬留庇餘狀掛衽吏人攀戀刊石陘

山雖非漢陽之城還似扶風之路授使持節車騎大將軍儀同三司加散騎常侍以魏後元年疾甚亡于同州春秋五十七天子輟樂羣公會喪太祖親臨弔祭哀慟左右于時兵革交侵普斷贈謚即以本官印綬權葬于同州之北今建德二年二月二十三日遷喪於咸陽長安縣之洪瀆原時逢禮樂之遷代屬謳歌之變國雖異政人足追榮乃贈使持節驃騎大將軍開府儀同三司小司空丹延綏三州諸軍事延州刺史謚某公禮也夫

人高氏渤海人也柔叅晉政拒曹爽之異謀起在漢庭
共王陵而俱對况乎箴訓有儀言容以德肅泰中興賢
才內則豈直不聽雜樂以變齊國之風不食鮮禽以斷
荆王之獵昔之命葬季武子之兩寢今之同穴長平侯
之北陵世子神舉兄弟至性純孝善居喪禮有終有始
於身無改是以宦成名立孝顯忠存銘曰

北岳二名葱河兩本其峻惟極其源惟遠俗稟山川人
資台衮義烈桓桓才雄惻惻乃祖乃父繼踵威雄攬金

北陸鳴玉南宮隱若吳漢賢哉竇融負霜依德無雷向

風挺此含章生茲秉德孝實天性忠為人則暢轂鏤膺

燕南趙北若

一作弱

水將通九部

疑作九都

可勒帷幄叅謀宮

闡典職善擇忠言能防變色繁弱已勁淇園乃直戟中

小支禽穿左翼建旃赤谷揮戈武州長城萬里河水雙

流潁川多恙淮水未瘳義重穿壁恩深置郵于谷之口

于渭之丘陽山零落碑闕低昂草銜秋火樹抱春霜書

劍俱没人琴並亡哀哀嗣子純心靡託孝水未枯悲松

先落室遠巢鷺門通吊鶴功臣身殞會圖麒閣

周大將軍琅琊莊公司馬裔墓誌

前人

公諱裔字遵胤河內溫人也南正司天北正司地是謂西河之官即嗣重黎之政印之歸楚與章邯而並封

豫之避秦共毛公而俱去祖龍

北史全龍

仍居選部水鏡三

臺父悅再牧荆河威風千里而身遭禍機遂為季布所哭獲存遺嗣寶賴程嬰之忠國家追念功臣更撫叔教

之子言思官族還求女齊之胤公始應辟為河內功曹

除員外郎常侍汲郡治兵黃河浮馬雄

疑作推

鋒軹關之

捷逐北長城之陳授平東將軍北徐州刺史柳泉風塵

三城席卷棠陰鋒鏑千室入關遷車騎大將軍儀同三

司開國龍門縣伯仍除巴州刺史雖復巴水三迴夷歌

數曲徒逢白竹之弩已濟青衣之功朝廷以漢之功臣

須開上將之府晉之代胄宜紹琅琊之國遷驃騎大將

軍開府改封琅琊公食邑一千五百戶宮闈近密寔侯

忠貞詔為大御伯仍除大御正職司常伯任惣夔龍王
道既平絲言惟允尋除始州刺史都督始州諸軍事蠻
夷持險狼顧鷗張高山尋雲深谷無景九地縱橫三門
起伏峰危馬束水險橋飛遂得谷靜山空水消霧散仍
為信州刺史都督信州諸軍事精兵守於白帝足懼巴
丘之城船梯下於荊州彌動西陵之戍即授使持節大
將軍都督西寧州諸軍事西陵州刺史將啓北戶之人
向通雲南之國聞寵若驚奄從深夜天和六年正月十

八日亡春秋六十五詔贈本官加懷邵汾晉泗州刺史

謚壯

周書北史
並作定

公禮也以建德元年七月十三日葬于

武功之郡三疇原公愛敬純深有隱無犯忠貞亮直知

無不為在戎四十一年身經六十九戰至於多竈唱籌

並得成功飛沙擁石未嘗乖律恂恂教義共起西河之

風閑閑鼓旗李牧長平之政身死之日家無餘財山

一作

出木所資一由詔葬有始有卒生榮死哀銘曰

祝融是命重黎克舉公族乃建天官即

一代

序避世於秦

承家於楚金行失馭玉鏡淪輝我之烈祖識變乘機黃
旗東沒青蓋西飛落星置道長州出圍及我皇父荆河
再撫世屬喪亂身沉猾豎嗟我遺嗣崎嶇趙武寒覆鳥
翼饑吞獸乳獲歸河內更襲瑯琊年方小馬怨結長蛇
藏兵九地置劍千家雪山埋馬冰河陷車既乃班政超
然榮守朱鷺頻飛金龜轉紐築塞長榆營軍高柳玉案
推食河橋勸酒石門冰釋金堤電散蘆水門關茅津成
茂一作觀馭風逸翮脩途始半建武功臣先悲吳漢沉寥

搖落游揚浸微金城路斷郿塢人稀風松蓋雲白水山
衣賢已星殞人沒蘭衰

周大將軍懷德公吳明徹墓誌 前人

公諱明徹字通昭

一作昭

兖州

陳書作南州

秦郿人也西都列

國長以王功被山河東京貴臣大司馬名高西漢豈直

西河有守智足抗秦建平有城威能動晉而已也祖尚

南譙太守父標

南史作樹

右軍將軍抗拒淮沂平夷濟滌代

為名將見於斯矣公志氣縱橫風情倜儻圮橋取履早

見兵書竹林逢猿偏知劍術故得勇爵登朝材官入選
起家東宮直後除左軍葛瞻始嗣兵戈仍遭蜀滅陸機
纔論功業即值吳亡公

周

梁未為達也自梁受終齊

卿得政禮樂征伐咸歸舜後是以威加四海德教諸侯
蕭索煙雲光華日月公以明畧佐時雄圖贊務鱗翼更
張風颺遂遠冠軍侯之用兵未必師古武安君之養士
能得人心擬於其倫公之謂矣為左衛將軍尋遷鎮軍
丹陽尹北軍中候惣政六師河南京尹冠冕百郡文武

是寄公無愧焉。蕭湘之役，憑陵島嶼，風船火艦，周瑜有
赤壁之兵，蓋舳櫓魏齊，有橫江之戰，仍為平南將軍。
開府儀同三司都督湘衡桂武四州刺史，遂得左廣迴
扁，麟車反暢，長沙楚鐵，更入兵欄洞浦，藏犀還輸甲庫。
雖復戎歌屢凱，軍幕猶張，淮南望廷尉之囚，合肥稱將
軍之寇，莫不失穴驚巢，沉水陷火，為使持節侍中司空
車騎大將軍都督南北兗青譙五州諸軍事南兗州刺
史南平郡開國公食邑八千戶，鼓吹一部，中台在玄武。

之宮上將列文昌之宿高蟬臨鬢吟鷺陪軒平陽之邑
萬家臨蓄之馬千駟坐則玉案推食行則中分麾下生
平若此功業是焉既而金精氣壯師出有名石鼓聲高
兵交可遠故得艦舳所臨盖于淮泗旌旗所襲奄有龜
蒙魏將已奔猶書馬陵之樹齊師其遁空望平陰之烏
俄而南仲出車方叔蒞止暢轂文茵鈎膺脩革遂以天
道在北南風不競昔者裨將失律衛將軍於是待罪中
軍爭濟荀桓子於馬受戮心之憂矣故

疑作胡

以事君宣

政元年屆於東郡之亭有詔釋其鸞鑣蠲其壘社始弘
就館之禮即受登壇之策拜持節大將軍懷德郡開國
公邑二千戶歸平津之館時聞櫪馬之嘶舍廣城之傳
裁見諸侯之客庶頗眷戀寧聞更用之期李廣盤桓無
復前驅之望霸陵醉尉侵辱可知東陵故侯生平已矣
大象二年七月二十八日氣疾增暴奄然賓館春秋七
陳書本
傳作六十七即以其年八月十九日寄瘞于京兆萬年
之縣東郊詔贈某官謚某禮也江東八十子弟從項籍

而不歸海島五百軍人為田橫而俱死焉嗚呼哀哉毛
脩之埋於塞表流落不存陸平原敗於河橋死生慙恨
反公孫之柩方且未期歸連尹之尸竟知何日遊魂羈
旅足傷溫序之心玄夜思歸終有蘇昭之夢遂使廣平
之里永滯寃魂汝南之亭長聞夜哭嗚呼哀哉乃為銘
曰九河宅土三江貢職彼美中邦君之封殖負才矜智
乘危恃力浮磬戢鱗孤桐垂翼五兵早竭一鼓前衰移
營滅竈空幕禽飛羊皮詎贖畫馬何追荀螢水去隨會

無歸存沒俄頃光陰愴悽岳裂中台星空上將眷言妻
子悠然亭障蒐或可招喪何可望壯志沉淪雄圖埋沒
西隴足抵黃塵碎骨何處池臺誰家風月墳塋羈遠營
兔流寓霸岸無封平陵不樹壯士之隴將軍之墓何代
何年還成武庫

周大將軍上開府廣饒公鄭常

墓誌作鄭常而九百十九卷神

道碑作字文常蓋其役賜也

墓誌銘

前人

公諱常字某滎陽人也周宣王之弟初封其國鄭穆之

孫始成其姓祖思慶建威將軍山陽太守考項儀同三
司豫州刺史南陽坐嘯值此邦君西河建隼逢斯刺舉
公侯繼踵冠冕連鑣可得而言傳於史籍公髫鬣知禮
早年馳譽就經蠻舍畧見書堂習武兵欄偏知劔術雖
復年猶小學已為儒者所稱位在偏裨即入將軍之賞
大統三年起義華陽授本縣開國男文皇帝霸迹初基
英雄輻輳公拔劔轅門穎川從我洛城逆戰壯於白馬
之兵河橋解圍勇於烏林之策授平東將軍帥都督襲

父封魏後二年授持節車騎大將軍儀同三司車騎用
郭淮之勲儀同取王沉之貴公之此授僉曰得人進爵

廣饒縣公邑千戶保定三年授使持節都督遷州諸軍

事遷州

九百十九卷宇文常神道碑作羅州刺史今常
墓誌作遷州按隋地理志西魏時於竹山縣置

羅州宇文後周於房陵郡
置遷州至隋并號房州刺史即摠領金州兵馬開拓

北疆高山尋雲深谷無景梯繩乃上浮竹裁通閩越影

嚮勾吳聲勢公出戰短兵並皆奔北瓦解冰碎山空谷

靜授持節開府儀同大將軍栢梁高宴有大將軍之詩

幕府初開有平陵侯之國比之今日豈可同年而語哉
自是使車被之繡服風謠是察刑政事觀公露節東驅
風奔群盜埋輪當路威振中原武皇帝有盟津之師以
公為中權之勁外從決勝內侍軍謀及文軌既同旃旌
已偃司勳行賞軍吏舉功乃授使持節上開府增邑五
百戶賜姓宇文與國同乘之榮周之宗盟非復異姓之
後蕃屏是寄隆寵所歸公室無踈此之謂矣九州都督
須得其才千里諸侯實俟其政乃為使持節都督東徐

州諸軍事徐州刺史尋遷南兖州諸軍事南兖州刺史
公頗惣六條再勞十部俗變風移人懷吏畏滯穗遺秉
有利疲人山桑野蠶足充貢賦化被殊俗威行隣境奏
事京師四方第一謂真刺史其在斯乎春秋未高奄然
遘疾以大象元年薨于州鎮時年六十三嗚呼哀哉吏
人扳慕飛走變色河濟輟春淮沂罷市以今年歸塋于
滎陽之山詔贈某官禮也嗟陵谷之貿遷懼微猷之永
遠地久天長敢鐫貞石銘曰

荆河惟豫洛食之本水遶滎波山斜陸渾德星猶照祥
風未遠代不乏賢又無闕衮公之生也實降英靈忠為
德本孝稟天經觀書虎館學劔龍亭雕弓偃月行馬流
星置陣黎陽麾兵官渡平陰聽烏馬陵書樹氣視迴津
星占飛步火斷羗營沙崩賊路及驅犀節乃牧雄州吏
不驚犬人無喘牛西蠶得歲東作逢秋草爛獄戶星低
市樓五將星亡三台岳折哀哉天道遂當明哲棟梁崩
壞風雲寂滅北郭長悲東都永別幽深此地宅兆斯憑

山迴虎園路上魚陵悲風夜烈苦露晨凝蘭芬菊茂終

古相成

文苑英華卷九百四十七